

grossen Coniunctio / Das dieser Comet ist zeigen Streit vnd den
Kunigen mit vergiessung des bluts gegem vffgang der Sönen
den menschen gross Kranckheit des bauchs / die kalt seychen / vnd
Kranckheit den wolffen vnd andern wilden thyrren / vñ Dobheyde
der hund / Auch gross Kranckheit Donner vñ Plyzen gegen mit
ternacht / Stercke d' wolff die gross schaden werden / Es werden
kömen wurm in die frucht verderben das getreid Es wirt wenig
Kauffmanschatz vñ mit onrecht / Vil feber / Die weibze werden
windig im bauch vñ leyden in der geburt / Vil Geschwer vñnd
pusteln / vñ die menschen werden verlassen ir land vñ kömen
in ander land gleich als durch gefencknis / vñ nymermer kömē
zū iren gutern Hali spricht das dieser Comet sei zeigen den dot
einem Kunig gegem vffgang oder mitag / doch ist gutigklich zu
glauben d'wil dieser Comet gestanden ist gegen miternacht das
es etzlich auch doselbst: dots abgäg: beruren werde / oder das sye
nit werden verraten mit sampt dem reich / Dife verrerey auch
zu furchten ist den gegem vffgang vnd mitag / Mars auch: on
welchen: als die Astronomi wollen: kein Comet wirt mit einem
bart oder schwantz / ist zeigen schmerzen der Augen / Traurige
keit vnd drubfal den schreibern / gelertē / vnd andern scharpffin
nigen menschen / vil Mörder vnd Rauber / vñ den dot vil men
schen durch Pestilenzisch geschwer / sich erzeigē in hyndern vñ
vnder den achseln / vñ das nemlich gegē mitag / Auch ist er an
zeygen Erdpydē an vil enden / oder grose wind die sich schyr ver
gleichen einē erdpydē / Von dyesez Cometen Schreibe auch Bru
der Bartholomeus Fryß Kartheuser in seiner Pronosticacion
vom Endcrift / das er zeigen sei den dot dyser menschen / dye do
übertreten die gebot gottes vñ der wyderspenigen / vnd welch vs
ynen nit vmbkömē sein / oder sunst grēblich gestraft durch dye
geschwer der frantzosen oder andre Kranckheit werden verderbē
durch Hunger Pestilenz vñ ongewytter / vnd allein dye guten
gotfurchtigen / bestedigt im glauben / lebendig bleyben / vñ nach
diesen geschessren wirt kein volck mer gegen dez andern vbreckē
sein schwert / vñ wirt werden fryd vñ einigkeit in allen endē der
welt.

Das Fyrd Capitel Dō Landē vñ
Stettē dar in dyser Comet sein wyrcklichkeit anzeygen ist.